

T5236.05/4462

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 20 1940

94

東漢書卷第四十四

翰林制詔二十七

冊文

皇后冊文

冊皇后文

內制

聖宗語曰王者建邦設內輔之職聖人作則崇陰教之道

式清四海以正之議妃王氏冠蓋盛門幽閑令德藝重圖

史訓備公宮項焉艱危克揚功烈半典昌運實賴贊成正

儀六宮宜膺盛典信可冊為皇后延和元年七月

冊淑妃王氏為皇后文

陸贄

維貞元三年某月日皇帝若曰乾坤合德聖人則之惟帝

本大惟后配帝嗣續百代母臨萬邦允定于維中而尊

英華卷第四百四十六

翰林制詔二十七

冊文五

皇后冊文

冊皇后文

詔令作太上皇立
皇帝妃為皇后制

內制



睿宗誥曰王者建邦設內輔之職聖人作則崇陰教之道
式清四海以正二儀妃王氏冠蓋盛門幽閑令德藝兼圖
史訓備公宮頃屬艱危克揚功烈聿興昌運實賴贊成正
位六宮宜膺盛典詔令作禮可冊為皇后延和元年七月

冊淑妃王氏為皇后文

陸贄

維貞元二年某月日皇帝若曰乾坤合德聖人則之惟帝
承天惟后配帝嗣續百代母臨萬邦位定于集作中而尊

加於外德修諸已而化被於集作人御於家邦所繫斯在

三代崇替靡不由之予是以詢衆採賢重難茲命中壺虛

位於詔作今歷年陰儀或虧宗事無主集作缺於典禮朕

甚愧焉稱是徽章聿歸全德咨爾淑后王氏天與淳集作

粹氣集作鍾元和含章在中發秀于外卓爾風操穆然容

輝周旋中規進退有度仁愛恭儉本於生知詩書禮樂成

自師氏竭于集作孝躬祗事先朝承訓集作無違克諧尊

旨往居桂苑淑問已彰洎奉椒塗謙光載路六宮攸叙九

族以親嘗屬艱迪集作累從行幸思賢才以輔佐知臣下

之勤勞庶績伊集作疑頗資內助永念頃筐之志且懷求

劍之情崇位長秋永懷盛典矧惟元子貞我萬邦稽以舊

是宜從貴今遣攝太尉某官某乙持節冊命爾為皇后

嗚呼敬哉王教之端始於內範風美關雎之化雅詠思齊

之德罔懈厥位忝于前脩克念有終庶無咎悔奉承休命

可不慎歟

冊淑妃為皇后文

錢翊

維乾元五年歲次戊午四月庚子朔二十七日丙寅皇帝

若曰惟王法天惟后象地統理之道相須而成秉陽雖繫

於昭垂養物必歸於厚載惟詔令無處大倫而克正與元

化而同光上贊君臨旁資婦順遠徵百代咸本六經而禮

曠累朝位虛中壺嚴裡怵惕玉齋無所進之人內令寂寥

彤管有不書之史興廢之重作配實難咨爾淑妃何氏柔

既可觀儉皆中度外言罔入懿則自成處閑房而椒亦蜚
聲御詔令衆妾而木能逮下洎邦家多難輔佐克勤每見
求衣未嘗安寢先知盱食不視晨脩欲齊京室之賢罔慕
長秋之盛勞謙之報降福是宜乃顧皇儲仍因子貴公卿
來講龜筮斯從實上帝之所嘉詎朕心之可柳今遣某官
某持節冊爾爲皇后於戲極位正名居尊齊禮典一申而
百神聽禮一行而萬國歡詔令懼恐詔令作誠懼可以保其名
齊莊可以守其位詔令作弘陰教以求天休

冊淑妃何氏爲皇后文

楊鉅

門下朕博採大易取觀詩訓觀柔剛咸感之象賦鳴鳩肅
雍之德將以視天下之內理叙人倫之大端宜于家邦厚

示風化矧九廟在上籩豆是薦三揖在下彛章具陳得不

敬

詔令
作庄

乃禘禴稱茲典禮俾承光於軒耀式正位於坤儀

淑妃何氏明配圓靈德符厚載珪璋特達鸞鳳萎葳同輦
必辭脫簪能諫四德克備六宮是推述壺職以彌勤煥彤
史而斯美况惟元子旣登儲貳順考古道雅協徽章受貞
吉辰藏于盛典咨爾克持婦政以率內和齊莊是儀用諧
靜德明章之道允在茲乎

公主冊文

冊信成公主文

孫逖

繼開元二十五年歲次丁丑八月癸卯十五日丁巳皇帝
若曰於戲易著于歸詩稱下嫁所以正風化厚人倫也咨

爾信公主淑慎由衷聰詔令明形外訓以師氏頗詳環珮

之儀修其婦功更習紘紼之藝日徵先近年及有行宜錫

徽章俾膺茂典今遣使金紫光祿大夫兵部尚書兼中書

令集賢院學士修國史上柱國晉國公李林甫副使中大

夫守中書侍郎集賢院學士徐安貞持節禮冊四字一作

為信成爾其光昭闔德弘長國風無怠厥心永綏介福可

不慎與

冊昌樂公主文

前人

維開元二十五年歲次丁丑八月癸卯朔二十九日辛未

皇帝若曰於戲好合之禮以正人倫肅雍之德用成婦道

咨爾昌樂公主生知法度性與柔和亟聞彤史之言頗識

采蘋之事素以為絢既閑於內則梅有其實式遵於下嫁

宜膺冊書之命以備車服之庸今遣使銀青光祿大夫工

部尚書牛仙客副使黃門侍郎陳希烈持節冊禮四字一

昌作持節爾其欽崇四教承順六姻式是大邦受茲明命

可不慎歟

冊高都公主文

前人

維開元二十五年歲次丁丑九月壬申朔十一日壬午皇

帝若曰於戲古之聖人垂訓作則必正內外之位以明婚

姻之禮茲爾高都公主生於宮闕自稟幽閑之性教以師

氏更彰柔順之詔令作更則能循法度克慎言容魯館于

歸沁園將啓宜膺冊命俾叶典章今遣使工部尚書牛仙

客副使黃門侍郎陳希烈持節禮冊四字一作持節冊爾
其自下于心增修厥德式瞻清懿求固恩榮可不慎歟

冊末寧公主文

前人

維開元二十六年歲次戊寅八月丁酉朔二十二日戊午
皇帝若曰於戲人倫式叙以正國風女子有行將成婦道
咨爾末寧公主自幼及長終溫且惠引圖史為鏡鑑用柔
和為粉澤許嫁而笄既遵於彝詔令作禮典備物之冊宜承於
寵命今遣使金紫光祿大夫兵部尚書兼中書令李林甫
副使上柱國徐安貞持節禮冊四字一作持節冊爾其謙
恭自下淑慎為先無忝公宮之教末貽邦媛之則可不慎

歟

冊臨晉公主文

內制

維開元二十六年歲次戊寅閏八月丁卯朔十六日壬午
皇帝若曰於戲古之帝女下嫁諸侯以正婚姻之大詔令作懿
綱昭肅維之令德咨爾臨晉公主蹈和成性體順為心頗
協生知之敏更承師氏之訓柔明益著淑慎攸彰兼四教
而不違勤六行而無斁近日云吉嘉禮有期宜穆彝章載
光冊命今遣使侍中函國公牛仙客副使黃門侍郎陳希
烈持節禮冊爾其克遵法度用廣徽猷發明閭德垂範于
後可不慎歟此篇英華題作公主出降制誤入封制中

冊嘉誠公主文

陸贄

維貞元元年歲次乙丑六月甲子朔十三日丙子皇帝若

曰王者以義睦宗親以禮敦風化義之深實先於友愛禮之重莫大於婚姻故春秋書築館之儀易象著歸妹之吉

予是用祗考令典詔令作明義率由舊章二句集作追考舊章率由前典咨爾

嘉誠長公主孝友柔謙外和內睦集作內和外敏公宮稟訓四實

集作德備修孝友至備修十六字詔令作特稟生知重承先德訓行必中則意不遺仁柔謙惠和孝友純懿嘉

乃全德時疏邑啓封命公為主徽章所被詔令作禮實宜惟成人

之今遣使光祿大夫檢校司徒同中書門下平章事沂國

公勉持節冊命四字一作持節冊爾往欽哉詔令作嗚呼戒哉下

嫁諸侯諒為古制肅雍之德見美詩人和可以克家敬可

以行已奉若茲道永孚于休懋敦王風勿墜先訓詔令作懋昭令

問無替朕命光膺盛典詔令作禮可不慎歟

擬公主冊文

劉禹錫集無

維某年月日皇帝若曰桃李發詠雲日連輝禮秩克柔肅

雍載美築館大國建號名邦乃躅通規用光懿範咨爾長

女金枝寵慶玉質輝奇蘊異體和含章挺秀柔順懿德幽

閑可貞已及初笄言從下嫁主之以同姓叔父配之以貴

族聞人式遵舊儀錫是土宇是用命使某官某持節冊命

爾為某公主於戲何彼穠矣詩之國風蓋美王姬能成婦

道爾其克念以敬所從無忝我之休命不其猗歟

冊益昌公主文

薛廷珪

維乾寧元年歲次甲寅十月庚申朔十四日甲子通鑑作庚寅朔

十四日癸卯當考皇帝若曰粵昔漢頒魯風魏錫常山繇鍾愛以

分封亦旌賢而別壞前王茂典歷代成規朕命嗣守不敢
失墜咨爾第七女蘭芷詔令作芷芳猷肅雍懿範坤順之性體
於自然天倪之資稟干陰教不明爾德孰慰我心爰稽舊
章俾率彝訓乃疏湯邑仍錫粉田所以示鳴鳩均養之仁
樂螽斯宜爾之慶夙興夜寐無忘女史之箴下氣怡聲勉
習家人之禮女儀婦道可不慎與

公主制

封皇第二女常芬公主等制

蘇頲

黃門諸女皆封先王之制第二女等慶聯霄漢體自穠華
常閱禮於后庭必聞詩於師氏朕撫臨億兆憲章古昔俾
裂河山之賦用疇湯沐之恩可依前件主者施行開元三年十二月

月十日

封高都公主等制

孫逖

門下肅雍之範以成女德湯沐之賜爰著國章第十一女
等生於公宮訓以師氏溫惠之性頗有天姿圖史之學仍
聞日就初笄甫及外館將歸詔令因司待禮之期式備疏封
之典可依前件仍各實封一千戶主者施行

封未寧公主制

前人

門下自昔帝女必建封邑典章不易等數猶存第十七女
幼而閑和長實徽懿引圖史以自鑒用肅雍而成德詔令作
將擇近日言遵下嫁宜承湯沐之賜以備車服之庸可封
未寧公主邑詔令作食實封一千戶主者施行開元二年

封平昌公主制

前人

門下詩美肅雍遠著於風雅禮有封建久存於簡策第十
九女尚柔成德克順由秉稟於天然自有閑和之性訓以
師氏備詳圖史之學宜開湯沐俾叶典章可封平昌公主
食邑一千戶主者施行

封永昌公主制

制集

門下普寧公主天泉浴詔令作滋德崇蘭發彩纂組之華每工

於經目保阿之訓深得於雅言詔令作雅禮必叶中言無出闈

詔令作容禮必叶言行無間從容珩璜之韻婉婉柔嘉之儀而疏封舊

邦禮宜改避是擇美邑再申異恩可改封永昌公主主者

施行

第七女封公主制

元稹見集本

門下長女等抱子弄孫之榮貴賤之大情也朕以四海奉
皇太后於南宮問安之時諸女侍側螽斯之慶上慰慈顏
鳴鳩之仁內懷均養雖穠華尚少出閣未期而湯沐先施
分封有據宜加美號以表令儀可依前件主者施行

第十二妹等四人各封長公主制

白居易見詔令集無

勅古者帝子下嫁必使王公主焉近代或有未笄年而賜
湯沐者亦加公主之號以寵重之第十二妹等先皇帝之
子也比朕之子宜加等焉故當幼年各封善地咸命為長
公主未及釐降先開邑封所以慰太后慈念之心表先帝
肅雍之訓亦欲使吾孝理之道敦睦之風自骨肉間以及

天下可依前件

封大和長公主制

前人

勅公主之封號也或以善地或以嘉名立愛展親茲惟舊
典第四妹端明成性和順稟教靜無違禮故組紉有常訓
動必中節故環珮有常聲歲茂穠華日新淑問乃眷蕭羅
之德俾開湯沐之封可依前件

集作可封某公主
長慶元年三月

封盛唐公主制

蔣伸

門下展親外館則必待年廣愛中闈宜光啓邑第七女祥
開銀漢秀發金枝孝敬生知柔閑早稟克奉姆師之訓每
遵詩禮之文法度自持穠華益茂爰申彝典載錫嘉名俾
承湯沐之封式示邦家之慶可封盛唐公主備禮冊命

此為英華誤入冊文中令移于後

文苑英華卷第四百四十六

文苑英華卷第四百四十七

翰林制詔二十八

冊文六

九錫文

冊陳王九錫文

徐陵

大哉乾元資日月以貞觀至哉坤元憑山川以載物故惟
 天為大陟配者欽明惟王建國翼輔者齊聖是以文武之
 佐磻溪蘊其玉璜堯舜之臣滎河鏤其金版况乎體得一
 之鴻姿寧陽九之危厄陳書作極橫流之南史作於碣石撲燎火
 於崑岑南史作岡驅馭於常彭跨躐於齊晉神功行而靡用聖
 道運而無名者乎今將授公典策其敬聽朕命日者昊天
 不弔鐘亂于我國家漏網吞舟強胡內鼎茫茫宇宙慄慄

黎元方趾

陳書作足

圓顛萬不遺一太清否抗橋山之痛已

深大寶迪如平陽之禍相繼上宰膺運康救兆民

南史作黔黎

鞠旅於滇池之南揚旌於桂嶺之北懸三光於已墜謚四

海於群飛屠契倫於中原斬鯨鯢於蒙汜功滿上國光啓

中興此則公之大造於我皇家者也既而天未悔禍夷醜

荐臻南夏崩騰西京蕩覆群胡孔熾藉亂乘間推納藩枝

盜假神器冢司昏撓旁引寇讎既見貶於桐官方謀危於

漢閣皇運已殆何殊贅旒中國搖然非徒如綫公赫然投

袂匡救本朝復莒齊都平戎王室朕所以還膺寶曆重履

宸居挹建武之風猷彰南史作歌宣王之雅頌此又公之再造

於皇家者也應務之初登庸惟始三川五嶺莫不窺臨銀

洞珠宮所在寧謐孫盧肇豐越貊為群南史作災番部貼危勢

將淪殄公赤旗所指袂疊洞開白羽纒撓凶徒粉潰非其

神武久喪南藩此又公之功也大同之末邊政不修李賁

狂迷竊我交愛敢稱大號驕聲陳書作恣甚於尉他據有連州

雄豪熾於梁碩公英暮雅筭電掃風行馳御樓船直跨滄

海新昌典徹陳書作徹備履艱難蘇歷嘉寧盡為京觀三山徭

洞八角蠻陬逃矣水寓南史作寓之鄉悠哉火山之國馬援之

所不屆陶璜之所未聞南史作開莫不懼我王靈爭朝邊候歸

矚天府獻狀鴻臚此又公之功也自寇虜清南史作陵江宮闡

幽辱公枕戈嘗膽提劔折心陳書作推氣涌清霄神飛紫路陳書

闡而番禺連率本自諸夷言得其朋是懷同惡公仗此忠

誠乘機勦定執沛令而豐鼓平新野而據鞍此公之功也
世道多艱方隅多難勲門桀黠作亂衡山兵切池隍衆兼
夷徠公以國盜邊境知無不爲卹是同盟誅其醜類莫不
魚驚鳥散面縛頭懸南土黔黎重保蘇息此又公之功也
長驅嶺嶠夢想京畿緣道首豪遮爲榛梗路養渠率全據
大都蓄聚逋逃方謀阻亂百樓不戰雲梯之所未窺萬弩
各張高墉陳書作輞之所非敵公龍驤虎步嘯陟風雲一作雲從風生
山靡堅城野無強陣清妖氛於瀨石滅沴氣於雩都此又
公之功也遷任凶慝屯據大臯乞活類馬騰之軍流民多
杜跋之衆推鋒轉鬪自北徂南頻歲稽誅實惟勅虜公坐
揮三略遙制六竒義勇同心貌貅騁力雷轟電擊谷靜山

塞列郡無犬吠之驚聚祠罷狐鳴之盜此又公之功也王
師討虜次屆淪波兵乏兼儲士有飢色公廻麾彭蠡積穀
巴丘億庾之誅斯豐壺漿之昨陳書作迎是衆軍民轉漕曾無
砥柱之難舳舻相望如運敖倉之府犀渠貝冑顧蔑雷霆
高檻層樓仰捫霄漢故使三軍勇悅南史作銳百戰無前承此
軍糧遂殄凶逆此又公之功也若夫英圖邁俗義旅如雲
湓壘猜携用淹戎略公志唯同獎師克在和鵠塞非虞鴻
門是會若晉侯之誓白水如蕭王之推赤心屈禮交盟人
祗感咽故能使舟師並路遠近明心南史作遠通崩心此又公之
功也姑熟襟要峭函所陳書作阻憑寇虜據其關梁大盜負其
尙鑰公五南史作一校裁擣三雄並奮右角沙潰左廢土崩南史

作左賢右角
沙漬土崩

木甲殪於中原，龜裘赴於江水。他他藉藉萬計。

千群鄂坂之隘，斯開夷庚之道。無塞此又公之功也。義軍

大衆俱集，帝京逆豎。凶徒猶屯皇邑，若夫表裏山河，金湯

險固，䟽龍首以抗殿，剪華岳以爲城。雜虜憑焉，強兵自若。

公廻茲地，軸抗此天。羅魯不崇，朝俾無遺。噍軍容甚，穆國

政方修，物重親於衣冠。民還瞻於禮樂，楚人滿道爭歸於

葉公。陳書作觀漢老銜恩，俱歡於司隸。此又公之功也。天子內

難。南史作內諸侯出關外，郡傳烽鮮。卑犯塞，莫非沮渠當

戶中，貴名王冀馬。迺於淮南，胡笳動於徐北。公舟師坐南

步甲，亘野橫江。殲厥群羝，逐殫封豕。莫不絰木而止戎車。

靡遺，遇濘而旋。歸駿陳書作駿盡殪。此又公之功也。公克黜禍

難，勞皇室而孫審之。黨翻塔狄人。陳書作心伊洛之間，咸爲

虜戍。雖金陵佳氣，石壘天嚴。或作巖朝聞戎塵，夜喧鉦鼓。公

三籌既畫，八陣斯張。裁舉靈鉦，亦抽金僕。咸俘醜類，悉反

高墉。異李廣之皆誅，同龐元之盡赦。此又公之功也。任約

叛，換梟聲不悛。戎羯貪婪，狼心無改。穹廬羶幕，抵北闕而

爲營。烏孫天馬，指東都而成陣。公左甄右落，箕張翼舒。掃

是攬，捨驅其徽。旄長狄之種，埋於國門。推髻之首，烹於軍

市。投秦坑而盡沸，噎澧水而不流。此又公之功也。一相居

中，自折彛鼎。五湖小守，妄懷同惡。公夙駕兼道，衣製杖戎。

玉斧將揮，金鉦且戒。袂寇南史作首震帽，遞請灰釘。藝櫬以表

其舍，弘焚書以安其反。側此又公之功也。賊龔凶橫，陵虐

其舍，弘焚書以安其反。側此又公之功也。賊龔凶橫，陵虐

具區阻兵安忍憑災怙亂自古蟲言鳥跡渾沌洪荒九或

度劉未此殘酷公雖宗居汝穎世寓東南育聖誕賢之鄉

含章挺生之地眷言桑梓公私憤切卓爾英猷承規奉筭

戮此大慙如烹小鮮此又公之功也亂離未久陳書作求群盜

孔多浙右凶渠連兵構逆豈止千兵五校白雀黃龍而已

哉公以中軍無率選是親賢奸寇途窮自豈止至途窮二

南史及英華但云漼然冰泮刑唐陳書作泮之所文命動

其天陳書作大威雷門之闢陳書作問勾踐行其嚴戮英規聖跡異

代同風此又公之功也同姓有扈頑凶不賓憑籍宗盟圖

危社稷觀兵匯澤勢震京師威迫蠻夷陳書作驅已為東

帝公論兵於朝堂之上決勝於樽俎之間寇賈樊滕浮江

下瀨一朝翦撲無待旬師萬里澄清非勞新息此又公之

功也豫章扶寇依憑山澤繕甲完聚多歷歲時結從連橫

爰泊交廣呂嘉既獲吳淠已擬命我還師征其不恪連營

盡拔偽黨斯擒唯聖武於匡山廻神旗陳書作旌於蠡泖此又

公之功也自八紘九野瓜割一作且分竊帝偷王連州比

縣公武靈已暢文德又宣折簡馳書風猷斯遠至於蒼蒼

浴日杳杳無雷比泊丈夫之鄉南踰女子之國莫不屈膝

拜手陳書作膜拜請陳書作吏款關此又公之功也京師禍亂亟

積寒暄雙闕低昂九門寥豁寧秦宮之可視豈魯殿之猶

存五都簪弁百僚卿士胡服纓纓咸為戎俗高冠厚履希

復華風宋微子麥稊之歌周大夫黍離之詠較於斯日未

足為悲矣公求衣昧旦晏食高春興構宮闈具瞻遐邇郊

庠宗稷之典六符十等之章復南史作還聞太始之風流重觀

求平之遺事此又公之功也公有濟天下之勲南史作重加之

以明德成性合道盛德符天南史作疑神體用百姓以為

心隨萬機以成務恥一物非唐虞之民歸含靈於仁壽之

域上德不德無為以為夏長春生顯仁藏用忠信為寶風

雨弗騫陳書作無憊仁惠為基牛羊勿踐功成治定南史作樂

奏咸雲安上治民南史作御人禮兼文質物色丘園衣裾里巷

朝多君子野無遺賢菽粟同水火之饒工商富荷頓之旅

是以天無蘊寶地有呈祥滴露如雲朝團晚陳書作曉映山車

澤馬服馭金閑陳書作登既昂煥於圖書方歲牲於史牒高勲

踰於象緯積德冠於嵩華固無德而稱者矣朕又聞之前

王辛世茂賞尊賢式樹藩長惣征群伯二南崇絕四履遐

曠泱泱東南史作表海柞土維齊巖巖泰山俾侯于魯抑又勤

王反鄭夾輔遷周召伯之命斯隆河陽之禮咸備况復經

營宇宙寧唯斷鼉足之功弘濟蒼生非直鑿龍門之險而

疇庸報德寂爾無聞朕所以垂拱當宇載懷慙悸者也今

授公相國以陳留等十郡六字南史作以南豫州之陳留

新安新寧南徐州之義興封公為陳公錫茲青土苴以白

江州之鄱陽臨州十郡茅爰定爾邦用建冢社昔姬南史作旦奭分陝俱為保師晉鄭

諸侯咸作卿士兼其內外禮實攸宜今命使持節兼司空

王通授相國印綬陳公璽綬使持節兼司空王瑒授陳公

王通授相國印綬陳公璽綬使持節兼司空王瑒授陳公

王通授相國印綬陳公璽綬使持節兼司空王瑒授陳公

茅土金獸

南史作虎

符第一至第五左竹使符第一至第十相

國秩踰三鉉任惣百司位絕朝班禮由事革其以相國惣

百揆除錄尚書之號上所假節侍中貂蟬中書監印章中

外都督太傅印綬義興公印策其鎮衛大將軍揚州牧如

故又加公九錫其敬聽後命以公禮為積幹律等銜策四

維皆舉八柄有章是用錫公大輅各一玄牡二駟以公賤

寶崇穀疏爵待農室富京坻民知榮辱是用錫公衮冕之

服赤鳥副焉以公調理陰陽燮諧風雅三靈允降萬國和

同是用錫公軒縣之樂六佾之舞以公宣導主猷玄

南史作弘

闡風教光景所照鞮象必通是用錫公朱戶以居以公抑

揚清濁褒德進賢髦士盈朝幽人虛谷是用錫公納陛以

以公嶷然廊廟為世鎔範折衝四表臨御八荒是用錫

公武賁之士三百人以公軌

陳書作執

茲明罰期在刑厝象

無赦千紀必誅是用錫公斧鉞各一以公英猷遠量跨厲

嵩溟混

一作包

一車書括囊寰宇是用錫公彤弓一彤矢百

盧弓十盧矢千以公天經地義貫徹幽明春露秋霜允供

粢盛是用錫公秬鬯一占圭瓚副焉陳國置丞相以下一

遵舊式往欽哉其恭循朕命克相皇天弘建邦家允興洪

業以光我高祖之休命

唐王以相國惣百揆并九錫詔

王言會最

詔曰於戲惟爾假黃鉞使持節大都督內外諸軍事錄尚

書大丞相新除相國惣百揆唐王夫乾道貞觀四象所以

書大丞相新除相國惣百揆唐王夫乾道貞觀四象所以

運行坤德含弘萬有憑其載育是以天地交泰資始由乎
聖人陰陽順成惣已歸其元輔故能陶甄百物代敘天工
息四海之羣非迴三靈之掩耀百揆時叙五典克從伊尹
格于皇天公旦光於四表方諸蔑如也今將授王典冊其
敬聽朕命上天不造降禍于我國家高祖棄盛業而昇龍
太上釋寶圖而委御王室如燬喪亂弘多數屬道消時鍾
世季郊廟絕土有若終旒則我祖宗之基已墜于地矣王
應幽明之道從兆民之欲奉七璽於代邸飛六轡於周京
此則綱我絕紀爲有大造於皇家者也曩者塞表省方羣
胡反噬矢流君側圍甚平城淪陷有期阡危莫恤王釋位
同謀惣戎千里晨炊蓐食倍道兼行匈奴遠跡乘輿反正

此又王之功也歷山飛稱兵燕趙妄假名號河朔響應山
西屯結王道啓戎行大殲醜類此又王之功也夷狄貪婪
屢犯關塞逼脇良善殺掠吏民王鞠旅治兵卷甲長驚追
奔逐北掃地無遺此又王之功也威王徒黨潛謀逆亂外
交邊裔內騁姦回實繁有徒將傾宗社王收戮凶渠罪人
斯得此又王之功也四郊多壘三輔倒懸黃圖示宮闕之
名赤眉劫園陵之禍凶荒仍歲荆棘旅庭王投袂義舉星
言電邁取霍邑若摧枯舉秦闕如反掌尅清河渭志存匡
復此又王之功也北荒徼鬻事藉羈縻比者中原多故罷
堆道絕王式遏有方款關請吏更敦隣睦復我舊藩此又
王之功也汾晉地險逋逃攸聚山藏川量負罪稽誅類馬

騰之乞活同嚴尤之盡赦王懷柔伏叛杖信示威交臂屈
膝申其正旦此又王之功也河潼轉漕密邇關畿京坻委
積由來尚矣羣凶保據一鼓而崩此又王之功也京師危
逼姦臣放命異一象之居內同四凶之扇禍王大誓師旅
興言感慨蕩清上國拯厥贅旒暴骨焚屍並勦群惡此又
王之功也上天貽愛莫甚乎民爰作聖哲弼于冲幼官守
司存社稷有奉濟方割於下墊爍圓光於上塏北又王之
功也唐弼凶豎草竊岐陽吞噬舊邦侵逼都鄙王制以銜
策觀其携貳新疑作親衆叛離我盡收之此又王之功也華
陽黑水控接岷峨山川阻深盡爲逋藪義風所麾行化江
漢此又王之功也薛舉崇姦同惡相濟僭擬輿服滔天泯

夏商土游魂秦川肆毒赫斯以律咸俘醜類岐隴齊其京
觀汧渭爲之不流此又王之功也三蜀隩區一都之會夷
民雜糅蠻陬荒梗王發一介之使降咫尺之書而靈關洞
開劔閣無隘比之王之功也弘農旬服襟帶河洛鞠爲寇
場連城阻亂長策遠振不征而服此又王之功也王有濟
天之勲重之以明德爰初發迹肇自鴻基峻極於嵩華潤
連於溟渤體茲將聖道被如仁在物不失其宜含靈咸安
其所春生夏長信及四時地平天成義兼一德惣萬機之
務因百姓之心保乂我皇家弘濟其多難者也是以濟濟
多士庶政緝熙穆穆四門要荒式叙敦澆風以勵俗暢和
氣以調元神功侔於造化積德高於垂象朕又聞之先王

之宰世也尊賢尚德茂賞疇庸五侯專征九命作伯周襄
光錫桓文是膺大啓南陽以表東海况今業冠伊稷功高
晉鄭酬勲茂爾朕甚懼焉今進授相國以河內汲郡清河
武安魏郡信都高陽平原趙郡襄國通前二十郡增封唐
國錫以黑土苴以白茅爰定爾邦用建宗社一作冢昔周邵
分陝咸爲保傅毛畢諸侯入作卿士內外之任禮實攸宜
今授相國印綬唐王璽綬茅土金獸符第一至第五行使
符第一至第十相國體絕群臣任惣百司朝班彛數且與
事革其以相國物百揆去錄尚書之號上所假黃鉞中外
都督丞相印綬又加王九錫其敬聽王命以王繩紀禮度
秉矜折獄罔不用情無或遷志是用錫王大輅戎輅各一

牲二駟以王分地敦本民天是賴疏爵務農所寶惟穀
是用錫王衮冕之服赤舄副焉以王風雅所被德戎咸格
陰陽順理遐邇宅心是用錫王軒懸之樂六佾之舞以王
翼宣黃道義齊疑遐暢三才所運四海攸歸是用錫王朱
戶以居以王登賢命世褒德昇朝思帝所難能官流詠是
用錫王納陛以登以王正色持衡鎔範御下式遏姦宄蕩
滌華裔是用錫王武賁之士三百人以王威同夏日厲等
秋霜刑有其章寬而不漏是用錫王鈇鉞各一以王明罰
信賞折衝無外是用錫王彤弓一彤矢百旅弓十旅矢千
以王霜露履踐禋祀恭嚴天地幽通孝思至感是用錫王
秬鬯一卣珪瓚副焉唐國置丞相以下官一遵舊式往欽

我祇奉大禮用膺多福以光我高祖之休命可不慎歟

英華卷第四百四十七

英華卷第四百四十八

翰林制詔二十九

制書

命相一

房瑄文部尚書同平章事制

賈至

勅憲部侍郎房瑄清識雅量工文茂學秉忠義之規靡憚
艱險挺松筠之操寧移歲寒宜承題劔之榮式允濟川之
望可文部尚書同中書門下平章事

天寶十五載七月十四日

封郭元振為代國公制

太平內制

門下大臣立事夷險不易良相昇朝安危所繫兵部尚書
同中書門下三品郭元振偉才生代宏量匡時經綸文武
今之王佐出入將相古之人傑夙侍帷幄疇咨廟堂思致

堯舜以期管樂朕往在儲闈洎登寶位每觀其聞義感激
願別忠邪立誠慷慨密陳弘益爾其至矣朕實嘉之頃者
梟獍興謀干戈作孽太上皇命朕討除元振又馳奉宸極
始則賚予爲弼終則寧朕問安可謂格于皇天貫于白日
元惡旣剪品物維新昌言是圖朕豈忘舊宜開井邑永誓
山河可封代國公食實封四百戶

張說拜中書令制

門下殷命百工傳膺審象漢推三傑良屬運籌不有斯人
孰賚予弼尚書左丞張說居正合道體真理朕昔在承
華首延博望談經之際欽若讜言撫翰之間潤色鴻業屢
陳匡益見嫉姦回頃雖抗跡踈遠而載懷飢渴今群兇已

服大猷伊始永言亮采光朕側席之期俾咨啓沃成朕濟

川之望宜發

疑作登

折鉉式綜絲綸

姚元之拜相制

同前

門下王佐之重師兵之任勞求屏翰膺此具瞻同州刺史
姚元之宏畧冠時偉才生代識精鑒遠正辭強學有忠臣
之操得賢相之風累踐台陛匡益斯在頃居藩郡循良是
屬載懷一德分命六官訂謨允歸文武兼濟式憑帷幄之
筭宜副韜鈴之委

劉幽求拜左僕射知軍國事制

已百三百八十五卷

同前

盧懷慎拜相制

同前

門下宰輔之任謨猷是屬不有大才孰康景化黃門侍郎

盧懷慎貞良敦朴孝悌仁厚度量深於江海堅清邁於冰
雪事皆體大詎觀非聖之書心必在公雅契惟賢之典故
能危言正色直道匪躬比之微管而求得說宜寵鎖闈參
乎鼎座可同紫微黃門平章事開元元年十二月

源乾曜拜相制

同前

門下軒夢三相舜舉八元必佇人傑以宣邦政尚書左丞
上柱國安陽縣開國男源乾曜博文強學達識周才貞白
可以勵時道義可以弘物虛懷同於抱月懸鏡不疲利器
比於成風刺鐘無滯固可充左曹之駁議翊中臺詔令
謀猷用參金鉉之司兼踐玉壺之制詔令可黃門侍郎同
紫微黃門平章事勳封如故開元四年十一月

宋璟蘇頌拜相制

記令作宋璟兼黃門監蘇頌平章事制

同前

門下詔令作黃門虞廷稱盛任於夔龍周邦以寧屬於閔散是

知出納惟允必藉英竒啓沃有光實資茂彥銀青光祿大
夫守刑部尚書上柱國廣平郡開國公宋璟字暲疑峻執
心勁直銀青光祿大夫行紫微侍郎兼知制誥上柱國許
國公蘇頌風檢詳密藻思清華或掌憲南宮持平邦典或
揮翰西掖匡輔政途咸竭奉上之心俱盡匪躬之節九流
俟其澄序衆務資其弼諧宜委銓衡兼侍帷幄璟可守吏
部尚書兼黃門監頌可同紫微黃門平章事散官勳封並

各如故開元四年閏十二月

張說拜相制

詔令作張說同三品制

謀王鉉歲月逾久而其道彌光人師有屬於在三王度式
歌於畫一疇咨既允亮采惟熙宜正貂蟬之榮用兼喉舌
之寄可行左相兼兵部尚書餘如故

天寶六
載三月

常見素拜相制

同前

門下緝熙帝載必候大賢砥礪公才允膺殊獎銀青光祿
大夫行尚書吏部侍郎上柱國彭城郡開國公常見素風
度宏遠操履貞固懷至公之節守難奪之誠學富典墳每
思經濟之義文雄縉紳豈獨彫蠹之英存居東挺顧問有
光累拜南宮銓衡式序清素之業惠澤彌彰爾惟不矜朕
志先定信可發揮邦政翊贊台陛

詔令
作增

將弘夢卜之感俾

協蒼生

詔令
作黎元

之望可守武部尚書同中書門下平章事

集賢院學士知門下省事散官勲封如故

天寶十三
載八月

除常嗣立鳳閣侍郎平章事制 同前

鸞臺鳳池清切鸞渚便藩

詔令
作繁

出納兩闈允資一德中散

大夫天官侍郎常嗣立當朝人傑

詔令
作望

奕代相門道周性

全才高識遠誠以待物寬而容衆徃司綸翰五字見推洎
處提衡九流式序懷宗廟之掌有杜稷之能宜竭忠賢翊
宣政化可守鳳閣侍郎同鳳閣鸞臺平章事散官如故主
者施行

長安四
年正月

除唐休璟左庶子同鳳閣鸞臺三品制同前

鸞臺獻替儲闈管綜王職聿求多士必在正人夏官尚書
同鳳閣鸞臺三品上柱國酒泉縣開國公唐休璟業履清

醇恭肅忠亮言必從行學以知道居八座之重握四嶽之
要出將入相允文允武謀猷是屬弘益以深頃以暮年固
辭退位就閑去劇優賢尚齒巨源請老仍參冀贊之榮叔
子養德選預國朝之議宜輟五曹之務俾同三令之班可
金紫光祿大夫行太子左庶子依舊同鳳閣鸞臺三品勳
封如故主者施行

除裴耀卿黃門侍郎張九齡中書侍郎同平章事

制

徐安貞

勅詔令作

風雲之感必生王佐廊廟之任爰在柱臣中大

夫守京兆尹護軍借紫金魚袋裴耀卿含元精之休體度

弘遠正議大夫前檢校中書侍郎集賢院學士仍副知

上柱國賜金紫魚袋曲江縣開國男張九齡挺生人之

秀器識通明並風望素高人倫是仰可以叶彼寅亮當茲

啓沃幹時待士旣資鼎寶之和爲國急賢寧惟金革之事

耀卿可黃門侍郎同中書門下平章事弘文館學士散官

勳如故張九齡可起復中書侍郎同中書門下平章事兼

修國史餘如故主者施行

開元二十一年十二月

除韓休黃門侍郎平章事制

張九齡

勅思致雍熙聿求元輔久勞憂寐延彼周行太中大夫守
尚書右丞上柱國韓休蘊道弘深秉德經遠清裁可以範
物素行可以律人一自登朝備聞體國志存公亮誠著始
終而羽翼朕躬金玉王度人望是在朝選無踰宜拜命於

瓊閣俾兼和於鼎實可守黃門侍郎同中書門下平章事

開元二十一年三月

李吉甫拜相制

王堂遺範

門下昔周宣王思弘文武之道則以申甫代天工漢宣帝
 思繼祖宗之風則以邴魏執邦政是以克從一作紹前烈俱
 稱中興朕以眇身託于人上亦思所以續一作續列聖之緒
 致太階之平懷柔四夷親附百姓將成莫大之業遂獲非
 常之才授之鈞衡俾作舟楫銀青光祿大夫行中書舍人
 翰林學士上柱國李吉甫符彩外發清明內融體仁而溫
 抱義而峻識洞性頤知皇王致理之由學該古今窮天人
 相與之際自擢於綸閣列在禁闈鼓三變之文潤色王度

五才之用參贊廟謨化俗思邁於成康致君願及於堯
 舜當注意之所向每罄心而必陳深中不回獨立無懼經
 綸常見其道達激切每一作多至於涕零王綱以張蜀寇斯
 殄左右密勿實由嘉言降神而生輔朕為理調三光以序
 六氣遂物情而熙帝猷是為中樞司我大本命爾俞往其
 惟勗哉於戲宰相之任安危所繫百辟為憲萬邦所瞻與
 其明察以為光不若嚴重而有制與其將順於其美不若
 匡救於纖遠審涇渭以序人倫謹繩墨以正天下交泰之
 運其若斯乎敬聽朕言以踐乃職可守中書侍郎同中書
 門下平章事散官勳如故主者施行元和二年正月一作唐大詔令

裴均拜相制

白居易

門下朕聞后德惟臣良臣惟聖在太宗時實有房杜贊貞

觀之業在玄宗時則集作實有姚宋輔開元之化咸克祐我

烈祖格于皇天朕祗奉丕圖懋繼前烈思欲貞百度和萬

邦建中于人垂拱而治永惟房宋之化寤寐求思至誠感

通上帝眷祐果賚良弼輔予一人正議大夫行尚書戶部

侍郎上柱國賜紫金魚袋裴均器得天爵文為國華行有

根源言集作詞無枝葉忠敬恭順輔之以誠心方潔貞廉輔

之以通識王立不倚扣之集作金和有聲洎潤色內掌集作洎綸言

密參樞務嚴重得大臣之體溫雅秉君子之文每獻納之

時動有直氣當顧訪之際言無隱情遠圖是經大事能斷

匡予不逮時乃之功及領地官且司邦賦會計務劇出納事

殷授利刃而皆虛委紛絲而必理歷試茲集作已久全才益

彰宜登中樞以允僉望夫宰輔者下執邦柄上代天工為

國著龜注人耳目爾尚降乃德以親百姓廣乃志以序九

流匡朕心而集作以清化源從人欲以致和氣予欲宣力汝

為股肱予欲詢謀汝為心膂予遠望于一作於汝弼勿謂不

從汝言逆于朕心必求諸道獨立勿懼直躬而行明聽斯

言敬慎厥集作乃位鳴集作鳥虬罔俾房宋專美于前可守中

書侍郎同中書門下平章事散官勳賜如故主者施行元和

六年十一月

李絳拜相制

王堂遺範

門下司重柄者允屬于長才熙大猷者固資於端士朕續

鴻緒撫有萬方夙夜祇勤懼遠於道故注意宰輔勞懷憂
想誠以得失之効邦家所繫疇若僉論簡予深衷必惟其
人是舉成命朝議郎守尚書戶部侍郎驍騎尉賜紫金魚
袋李絳質秀珪王文含彩彰抱噐挺生居貞特立有史魚
秉直之操勵山甫匪懈之誠忠孝兩全學識兼茂清標可
以範雅俗正氣可以肅群倫頃自周行俾叅密命動由於
詔令作必以義知無不為蹇蹇懷匡濟之心孜孜陳遠大之畧
言無隱避居則靜專貫于初終其道一致地卿之貳爰委
典司理財先示於簡庶利物每懲其聚歛經通立制噐用
爾光堊閣之間鬱有公望是宜權衡百度宰理庶工允副
其瞻宰我樞密於戲予欲驅人俗以躋富壽感人心而致

和乎爾尚修明憲章宣布德澤必寬

詔令作廣

大其志無

為公恒其道以秉彛裕其體以臨下各任以職無忘陳平
之言苟便於人勿憚蕭何之請敬茲寵擢其懋式哉可朝
議大夫守中書侍郎同中書門下平章事勲賜如故主者
施行元和六年十一月

張弘靖拜相制

同前

門下虞以為盛猶咨五臣般之用與亦賴三后朕勵精恭
已十載于茲常以國鈞委之公務輔熙庶績敢怠旁求思
欲左右有人在廣股肱之任歷選列辟泊于藩維冀獲賢
能俾匡正道爰茲所命允屬至懷河中晉絳慈隰等州節
度支營田觀察處置等使正議大夫檢校禮部尚書兼河

中尹御史大夫上柱國開平縣開國子食邑五百戶賜紫
金魚袋張弘靖德緻詔令作稟精微器含冲用温恭諒實明允
克誠素推君子之風雅有大臣之體蘊積稽古之學發揮
經緯之文嘗司朕言動叶謨訓歷踐清貫具揚淑聲爰統
方州載膺節制奉法遵制存詔令作首公無私人無不懷績用
丕茂予欲正百工之理成太平之塔若臨巨川以重舟楫
是用命爾列于中台每念臣隣之規以貞棟崇之吉少翁
積慶嗣德漢廷文子勤身繼匡晉室爾惟朝夕納誨以翊
朕躬是資衮職之勤式重緇衣之美仍帥司寇之屬俾靖
臯陶之刑懋宣厥猷往踐于位可守刑部尚書平章事散
官勲如故元和六年六月

帝貫之拜相制

同前

門下弼成大化叅叙彝倫克廣元首之明其服股肱之任
朕所以不自暇逸務求賢能式重舟楫之才以弘經濟之
道疇若予志僉諧乃公中大夫守尚書右丞上輕車都尉
賜紫金魚袋帝貫之清明在躬禮樂之器蘊珪璋特達之
德茂廉正博雅之規靜而知微動必有守凡踐列位備聞
嘉猷當官而行臨事能斷道可鎮於風俗望彌積於朝倫
詔令作論是宜和靖陰陽紀綱邦國命作心膂列于台階夫能
慮四方揆百事愛利萬物辨論群材示公忘私時乃之職
而况圖靖藩服繫在廟謀爾惟順下以訓人奉上以宣力
因衆功而致用熙詔令作象非衆志以爲心朝夕獻可否之誠

經綸底文武之績祗膺厥命勿懈于時可守尚書右丞平
章事散官勲如故元和九年十二月

張弘靖拜相制

同前

門下贊天地之化阜成萬物正邦國之紀康于群生夢寐
旁求精誠上達况乎明誠以久嘉猷日聞股肱之任耳目
所注具官弘靖實天生德惟嶽降神端方靜深信厚温密
質抱荆山之璞光含魏國之寶錯爾素履穆然清風出備
爪牙總近關之紀律入膺喉舌練中臺之法制從容宰輔
密勿鼎司誠惟在公慮必無經國濟川舟楫人望具瞻和羹
鹽梅朕志先定宜登右弼之任用正中台之耀纂乃祖考
光于家邦於戲天工人代三才遠汝翼必當悉乃力同乃心

縱天下之才以貞百度通天下之志以佐萬機唯直道是
行唯謹言是進內懷親附拯黎元之方困外思鎮撫偃兵
甲於將興勿罔養以崇名無遂循而避事對揚成命時乃
之休可守中書門下平章事

李逢吉拜相制

同前

門下朕觀古先哲三興化致理未嘗不選建良弼熙寧庶
工俾之敷陳大猷左右乃辟者也朝議即守中書舍人權
知禮部貢舉輕車都尉賜緋魚袋李逢吉疏通而守於經
綸質厚而輔以文章貞恒自居和易待物體賢人之志業
茂端士之風規履歷班行發揮事任厥心匪懈所至有聲
自彌綸粉闈駁正瑣闥且可言於右掖嘗納訓於東儲誠

明一貫聞望旁洽俾司貢士彌著嘉聞方今外興不得已
之師內有不獲安之俗恒忘食於將肝務求衣於未明冀
清原野之誅用止干戈之役登爾匡輔代予憂勤爾宜宣
至化於吾人告嘉猷於厥后銷弭氛祲導迎和平事有不
舉其中政或未孚於下爾惟恪沃無乃面從可朝議大夫
守門下侍郎平章事賜紫金魚袋元和十一年二月

王涯拜相

同前

門下上宰參職所以法三台之耀中樞議政在乎遂萬邦
之宜朕獲承鴻休思建白玉極冀沃心而納誨恒注意以求
賢通議大夫尚書工部侍郎知制誥翰林學士上柱國清
源縣開國男食邑三百戶賜紫金魚袋王涯動直靜專

希易挺歲寒之勁質也夙夜之端誠言唯守中慮每
遠屬者禁垣揮翰五字口宜選部持衡九流風動荐居肘
腋之地歷試股肱之才進嘗伏於青蒲出不洩其温樹牟
融得大臣之節毛玠有古人之風詢廟筭以生知論兵鈐
而暗合方今戎馬尚駕郊壘猶多必俟清明以消氛沴是
用宥詔令作付以機密陟于崇音向爾其發號令以端其四方陳
便宜以寬于百姓行臺閣之故事弘朝廷之大體秉德以
立徇公不回俾予一人垂拱而理敬聽朕命茂哉詔令茂
哉可守中書侍郎平章事元和十一年十二月

裴度拜相制

門下輔相之任重作於股肱經濟之才難注人或作耳目

苟非慮周

一作研

物表識洞事先則何以出納中樞平章大

政詢于時論僉曰汝諧朝議即守御史中丞兼尚書刑部

侍郎飛騎賜紫金魚袋裴度勁直循道清通一作明秉彝

文融菁華行茂枝葉居然廊廟之器出于領袖之門西掖

司言南臺執憲常懷遠一作常畧屢告嘉猷實宣力以徇

公况一作能外身而憂國霜雪無改雷風有恒朕欲旋觀其

能用試於事俾歷戎閫載馳使軒王澤渙汗以遐宣軍情

密勿而上達將議抽擢因罹震驚崇道德之藩籬士有致

命資忠信之甲冑兵無容刃人具瞻爾天方賚予昆命于

龜爰立作相爾其展四體堅一心廣其道以用賢厚其風

必揚俗五兵未戢爾惟保定武功百姓未康爾惟勤恤人

臨事必斷當官而行齊台階於底平補袞職之有闕

膺慎選其戒之哉可朝議大夫守中書侍郎同中書門下

平章事勲賜如故元和十年六月一作皆唐大詔令

崔群拜相制

同前

門下成萬方之化通天下之志緝熙帝載昭暢玄猷在于

股肱之臣共疑理本旁求時彥以叙彝倫朝散大夫守尚

書戶部侍郎上護軍賜紫金魚袋崔群粹密由道端莊保

和本清明之上才體博厚之重德學貫通儒之業詞含大

雅之風居敬有恒循性能斷自然宥三字一作承我密命職參

內庭高文煥若一作發於綸言敏識詳達於國典伏奏無撓

五躬不回勤勞八年始終一致春闈取士必後其浮華地

官理才能制其輕重儉惟一作約已忠惟事君才適而用

深望積而實著風猷已洽於人聽忠勤一作已屬方注於朕心

乃膺一作爰審象之誠以副其瞻之地况奸兇叛逆尚駕戎

車未明求衣思戢干櫓爾宜酌古今之見舉刑政之中守

一作厥位以代天工陳其謨以明皇極敬茲重命往踐台

階可守中書侍郎同中書門下平章事散官勲賜如故元和

十二年七月 一作皆唐大詔令

文苑英華卷第四百四十八

文苑英華卷第四百四十九

翰林制詔十三

制書二

命相二

權德輿拜相制

玉堂遺範

門下夫宰相之任上以代天工輔佐之宜下以立人極燮

調之理詔令無此四字爰得忠正方膺股肱正議大夫守太常卿

上柱國襄武縣開國侯賜紫金魚袋權德輿器度端實智

識通敏學成師法文為國華素履常踐於貞方黃中允合

於易簡自出入清列茂著嘉聲名利無屑於中懷風雨不

移詔令作易其常性驥騮之質常識於遠途鸞鳳之姿宜巢於

阿閣期于致理推之至公寵以春卿掌我樞務輔天地之

德俾化及平明導陰陽之和使物靡疵癘予違汝弼言無
面從君可臣否事已心同詔令作許用佇弘美式副虛懷可守

禮部尚書同中書門下平章事散官勲封賜如故元和五年九月

武元衡再入相制

同前

門下邦國興理將相是資選衆而舉思賢俾乂故有台臣
外撫宣力已靖於四方袞職迭居懋功復凝於庶職允茲
崇踐爰屬上才前劔南西川節度副大使知節度事管内
度支營田觀察處置統押近界諸藩及西山八國雲南安
撫等使銀青光祿大夫檢校吏部尚書兼門下侍郎同中
書門下平章事成都尹上柱國臨淮郡開國公食邑二千
戶武元衡粹厚端莊簡易常壹有誠明之道以致用有宏

茂之略以佐時貞方自得於性術操尚不愆於風雨加以
懿文合雅聚學承師通禮樂刑政之源達古今治變之要
歷登華貫休聞穆然洎處鈞衡中立不倚致君思堯舜之
盛脩職以邛魏爲宗益部大藩比仗兼濟而能布宣威惠
撫蒞蠻髦縣道輯寧疲黎安息推心而下皆率附正已而
人自嚮方臨之累年理有殊詔令作具等朕以出納王命緝熙
帝圖總庶官之職業爲百度之衞鍵惟此重任屬于黃扉
分憂遂輟於殿邦具瞻再歸於碩望爾尚行之以中正煦
之以和平毗于一人膏潤天下砥膺禮命無替徽猷可守
門下侍郎同中書門下平章事兼崇玄館大學士充太清
宮使元和八年三月

令狐楚拜相制

同前

門下贊天工而成光濟叶帝力以致昇平非中和稟氣不

能將變調之道非誠明在躬何以膺弼亮之位况今積祚

詔令已弭而邊鄙猶虞大化方行而里閭未泰將欲舉百

度甄群材外撫四夷內輯諸夏納之壽域被以仁風代予

之勤其孰克任眷求斯得是用命之河陽三城懷州節度

使朝議郎持節懷州諸軍事守懷州節度兼御史大夫賜

紫金魚袋令狐楚根於粹厚著以端明表山立之莊容洞

泉渟之精識文高雄富學茂該通自頃揮翰掖垣持囊禁

署嘗延造膝屢竭沃心發言有詔令誠臨事無惑藹是公

望居然國楨及剖符近郊兼暢牧人之術仗節分閭在

衆之方可謂器適中外效宣文武宜展舟楫之用式登

鼎鉉之司管于中樞持我大柄於戲輔翼之任人臣極崇

未至而衆馭有歸既處而其名罕副萬務攸託朕何賴焉

爾其敬聽此言渝思其道行致君之志終始勿渝以報國

爲期夙夜益勵無俾厥后有慙知臣可朝議大夫守中書

侍郎同中書門下平章事元和十四年七月

李夷簡拜相制

同前

門下致理之道王者由其盡心弼成之功輔臣所以宣力

皇極是建蒼生乃安敷求實難倚任斯重將付大政必惟

僉諧正議大夫守御史大夫上柱國成紀縣開國侯食邑

一千戶賜紫金魚袋李夷簡學詔令稱通明性本嚴重守

以正直傳之文華羽儀朝端冠耀宗籍早司邦憲爰總地
征糾逃無聞於避強經費克均其定制中立不撓孤標出
倫聳善激仰一作貪法行令肅自鎮漢上泊臨蜀州儉德載

彰清規一貫山岳比厚雷風有常勵貞峻以理心竭忠勞
而奉上人望汲黯印歸趙堯俾之持綱萬目皆舉固可以
綜叅庶務允鑿百工燮和陰陽宣發號令是用申命陟于
台階於戲說積爾躬憂協朕志虛已將求其弘濟鯁言用
懼於佛違道必舉中位無苟曠膺此寵擢敬哉戒哉可守

中書

詔令作
門下

侍郎同中書門下平章事

元和十三
年三月

夏侯孜拜相制

同前

門下篙檝克脩航艦以之濟海羽翮可勵一作鵬鵬於

天賦恭已寰瀛勞誠憂獵將以篙檝賢輔羽翮寶臣摩

三代至理之英濟群生並洽之欲載仗舊德期獲我心劔

南西川節度副大使知節度使事管内度支營田觀察處

置統押近界諸蠻及西川八國雲南安撫等使光祿大夫

檢校尚書右僕射同中書門下平章事

元和十三
年三月

上柱國

譙都開國公食邑三千戶夏侯孜大昂分精維嵩挺秀擅

四海之賢俊作中朝之表儀禮樂詩書資其懿範溫恭孝

愛輔以多才服道以致身含章而底力經國之用貫百川

而不改其清應物之明體萬象而莫窮其照周踐華烈多

識舊章即署諫垣休聲夙振東陽故絳惠愛洽聞泊其棠

政成會府徵命兼領臺輅之任再居邦憲之尊正色無私

當官必舉物征賦以贍國幹山澤而富人美利無嘉遺澤
益覩積是朝著一作德昇於台司內竭謨明外弘體理馳咎
夔之極摯陋周漢之遐蹤克彰為輔之聲允叶有開之契
屬者以西南重鎮邊徼多虞爰賴惠征以隆外闡福星時
雨既惠巴庸景化元和須歸鼎鉉是用召於驛騎待一作代
以天工重開集鳳之池拜仰問牛之化弼謨萬務師長庶
僚亟付機衡俾康區夏於戲刀非礪不割一作割魚非水不
行為君誠難得中一作時甚易决疑定計吾以爾為神龜肥
國救人吾以爾為上藥盡布四體懋堅一心勉哉勿疑對
物我休命可尚書左僕射同中書門下平章事散官勳封
如故咸通三年七月一作皆唐大詔令

常執誼入相制

同前

門下宰相之職寅亮緝熙導陰陽之和贊天地之化裁成
百揆物領庶官非道契時中識通理本則何以敷暢皇猷

一作極阜安群庶一作黎朕以眇身嗣守丕業思立人紀以承

鴻休一作天其代予言允屬良弼朝議即守吏部即中騎都

尉賜緋魚袋常執誼孝友忠肅自誠而明茂實本於宗師

英華發於事業久叅內署動宜靜惠累踐中臺職脩事舉

克有令一作公望冠于群倫以予冲人龔默思道是用命爾

納誨弼違必能行四方之風成天下之務祗乃茂一作服職

厥惟欽哉可守尚書左丞同中書門下平章事賜紫金魚

袋永貞元年二月一作皆唐大詔令

皇甫鎛加恩制

同前

門下選衆舉材俾叅大政俟善績不著嘉謨有成然後進
 序合階協宣德務乃制輕重謂之盈虛以經用靡虧而成
 功克集黃扉之位式示疇勞具官皇甫鎛器識端方性尚
 孤直文發貞而詞去枝葉學爲已而政資本根每脫落於
 浮榮能優游於劇任志圖經遠心惟徇公自貳中臺專摠
 大計昇之相府兼贊鴻猷屬問罪二方徵師十萬千金難
 戒於日費百役併萃於司存而供億罔差中外咸樂一作若
 泉貨無虞於竭涸干戈遂致於清寧允茲忠勤副我倚任
 是宜踐居左輔均賦中邦漸於雍熙期乃成績可守門下
 侍郎平章事依前判度支

皇甫鎛罷判度支制

同前

門下古者丞相府不接吏蓋以任重體大地親禮崇苟非
 征討之時豈伏貨財之事爰俾出納歸諸有司用嚴台庭
 以輔吾道中大夫守門下侍郎同中書門下平章事判度
 支上柱國賜紫金魚袋皇甫鎛精明絕倫乾健不息蘊是
 器業發爲英華頃以守位聚人必資大計因其能事委以
 重權致用之機所以經天下之務重輕之法所莞天下之
 財自淮右不虔東平犯順兵車在野饋食連年而乃庖無
 折刃御有濡轡既授明命升之股肱軒裳所瞻崖峯詔令作岸
 益峻請謁自絕其風凜然况贍給之餘謀慮必至平二方
 之險阻慮載戢之干戈庸非坐籌佐朕而致今則百揆攸

叙萬邦保和宜全相府之重勿領計司之劇撫夷夏調陰
陽用安元元時乃之職可守門下侍郎依前同中書門下
平章事

程异拜相制

同前

門下漢宣帝弘祖宗之業正刑德之本簡求輔相以致中
興朕祗荷丕圖思揚聖緒每懷舟楫以涉巨川俾人不迷
用底于道今獲良弼式允僉諧朝散大夫守衛尉卿御史
大夫充諸道鹽鐵轉運等使賜紫金魚袋程异厚德外嚴
沉機內朗抱精微以致遠本誠明以格物盡瘁事國誠明
在公常探化原雅高學術揚歷斯久公望藹然自位列大
寮惣諸劇務達權酌之利適財賦之方贍出納於邦家

效於官業頃以淮夷未殄師旅在郊有漕輓之勞兼供
億之費言念多事恐傷吾人而异法能變通道益明著言
無伐善動必由衷蘊夷難致君之心見懷道佐時之略况
屬饋軍之事尚倚良能載閱前功宜當大用乃服休命俾
叅中樞爰表秩於各官仍兼綜於舊職膺茲重任用表全
材爾宜左右朕躬朝夕啓沃干戈未絕詔令允佇廟謀敬
聽斯言副我明獎可守尚書工部侍郎同中書門下平章
事依前充諸道鹽鐵轉運使

元和十三年九月

楊収加恩制

同前

門下古先聖哲之御天下也莫不勞於擇賢逸於任已一作
恭是以嚴求匪易殷代稱宗畋獲甚難周王受命一作肆

朕在位天授一作材正人於言語侍從之間得亮采惠疇之

俊固亦高邁前烈垂休當朝敬遵用汝之文一作言爰舉弼

予之典雅符不讓斷自無私翰林學士承旨朝議大夫守

尚書兵部侍郎知制誥柱國賜紫金魚袋楊収器茂渾金

寶欽大玉瑩清冰於溽暑挺綠桂於嚴霜行過魯顏道蕪

夷惠詞一作文冠一時而非游藝學該一作窮千古而似不

能言白鴻飛名場鷺振班列憲署每聞其守法曲臺咸著

於推公所蒞有聲歷試皆可才一作用彰簡要已洽譽於含

香業擅精微遂騰輝於視草戒慎攸至初終莫一作不渝常

懷造膝之中俾見沃心之旨謝安體識王儉精一作才能動

為僉論所諧居益一作溢具瞻之望由是擢於禁苑升以

求匡輔之勤用燮和之事一作勤用燮和之重爾其慕伊

周之志弘臯益之謨九流既分百辟斯正嘉猷可舒於前

席妙畧尚在於止戈式序三才允歸一德懋乃致主副予

知臣無使載筆之褒獨稱於姚宋也可守本官同中書門

下平章事散官勲賜如故主者施行咸通四年五月

一作皆唐大詔令

授李逢吉門下侍郎同平章事制 同前

門下朕聞天地洪鑪鼓之者橐籥帝王大業成之者股肱

故堯舜垂衣禹湯恭已弘道任德惟一作為予輔臣則八表

清寧萬邦咸一作理故伊尹之舉臯陶之升庶績其凝不

仁自遠正議大夫守兵部尚書輕車都尉賜紫金魚袋李

逢吉大方比量中正持心貞玉無瑕精一作堅金匪礪一作在礪

峻節而高山是仰推誠而止水可觀剛柔所持吐茹無易

往以青宮齒學導我典墳儀刑式孚蘭藿馨茂泊升台席

翊奉先朝訂謨密聞獻替潛達外順明德中深至言温恭

聿脩終始一貫朕嗣守丕業思得賢良將俟和羨期於舊

老易之襄漢居以南宮每詢嘉言啓沃惟允今授之相印

委以樞衡代天之工爾在專任於戲發號施令選賢任一作

與能申於百辟之上行於四海之內朝無黨比人絕澆浮

白黑燦然淄澠不溷使巖廊重位揚我清風弘宣大猷以

暢王度可守門下同中書門下平章事散官勲如故主者

施行長慶二年六月一作皆唐大詔令

除鄭朗工部尚書同平章事制 同前

門下雲因龍興龍非雲無以施膏澤臣由君用君非臣無

以播皇猷信乎際會相須以康天下永念詔令良弼常切

寤思詳求國禎乃獲時傑通議大夫守御史大夫上柱國

賜紫金魚袋鄭朗間代應期稟靈作瑞王室髦彥士林菁

英温華凝珪玉之姿磊落負棟梁之任諫垣蘭省常推謹

正之風廉俗登壇克懋撫循之績洎領劇務益見盡忠杜

邪徑而啓公途懲奸吏大制詰而絕私託饋軍無闕贍國

有經委以憲綱尤彰直道是宜毗贊大業翊宣景化朕以

區區齊晉取霸諸侯率由三賢叶心五臣同德况今四海

為宅百辟盈庭未能寇靖塞陸人歸壽域豈無長策俾及

升平惕然疚懷莫知攸措肆予命汝往踐台階勉弘濟代
之功罔致曠官之誚善調兵食以備我邊虞慎舉典章以
貞我廢品敬戒于位惟其有終可工部尚書同中書門下
平章事散官勲賜如故主者施行

大中十年正月
十二日丁巳

韋貫之授中書侍郎平章事制 同前

門下地拱宸居任膺宰臣宣明大號佐佑丕圖失其道而
庶事靡陳得其道而彞倫攸叙成我柱石在乎鈞衡况今
戎役方殷廟謀爲切利用既彰於歷試崇名宜允於僉諧
右丞常貫之代秉廉清天資貞白竒文包於五色茂德體
於千鈞含和抱公居易求已徊翔禮闈堅明以辦其妍媸
網轄仙臺密靜克脩其班制動有直氣居無流心洎

職叅事樞務平章庶事屢入三臺遠猷是經中立不倚
玄成之慶靈斯集山甫之恭勤日聞俾重輝於相門爰正
位於台座於戲宰相者實執人柄以爲國積化有未孚于
休物有不遂其性俟爾高議副予虛懷予欲惠于兆庶爾
思均賦之宜庸觀在位式序品物咸享鼓時風以淳厚吾
人流王澤以光昭乃辟服我成命仰而行之可守中書侍
郎平章事

擬門下侍郎平章事制

同前
集無

門下天地至大任四時以成功元首雖尊託三台而佐理
况外居黃閣入奏青蒲寅亮皇猷緝熙帝載以相予位以
安兆人必有夢卜之期式重將明之職求其具位果獲良

臣

擬中書侍郎平章事制

前人

集無

門下四輔齊耀衆星拱於北辰百職分官萬物歸於西掖
翱翔鳳閣泛泳龍池報我祖宗格於上帝今獲良弼天寶
賚予

授盧翰劉從一門下中書侍郎平章事制

陸贄

門下

集作勅

寅亮天工弘宣理本俾予從乂時乃輔臣扈蹕

載馳以勞定國懋官遷列式是彝章銀青光祿大夫行尚

書兵部侍郎同中書門下平章事范陽縣開國公盧翰嚴

重不撓貞方自持養恬鎮俗

集作洋

居簡濟

衆言

思無隱事必

存恒守尚書刑部侍郎同中書門下平章事賜紫金魚袋

一質厚器深識精體遠

集作雅

冲用無竭真規不渝從

容以和出納惟允自鸞

一作鑿

車載駕薄狩于梁執羈有從

我之勤及奮勵匪躬之節交脩不逮

集作怠

庶績其凝俾並

命於掖

集作禁

垣仍叅掌於樞務今百度伊始四維載張論

駁是非不可以不審宣揚憲令不可以不明爾其欽承無

墜我不

集作休

命翰可守門下侍郎同中書門下章事餘並

如故

授劉滋崔造齊映平章事制

前人

門下朕嗣位君臨精求理道小大之務靡不經心日慎一
日于今八載教化未洽蒸黎未康因之以甲兵繼之以災
沴斯固鑒有所不至慮有所未周予衷

集作心

浩然若涉深

水思所以匡我致理助我官人宣其澤而四方以寧執其
要而百工式序允是大任其惟輔臣夢想勞懷敷求俊乂
得茲良弼爰在周行權知吏部侍郎劉滋操履貞清介然
自守居能慎獨動集作思不違仁折理究其精微勵學探於
旨趣集作其旨與守給事中賜緋魚袋齊映脩已崔夢識通化
源適時有成務之才事上懷匪躬之節蘊蓄器業居爲名
臣中書舍人賜紫金魚袋齊映脩已以立集作敬自明而誠
體賢人可大之規用尹子時行集作中之道虛受能擇清通
不流惟滋之直方可以激風俗惟造之體度可以振條綱
惟映之精深可以該物以理我有大典爾其參之懋昭厥猷
勿替休聞滋可守集作左散騎常侍同平章事造映可冬

本官同平章事造仍賜紫金魚袋其有散官勲封賜並如

故貞元二年正月

文苑英華卷第四百四十九

文苑英華卷第四百四十九

苑英華卷第四百五十

翰林制誥三十一

制書三

命相三

授王播中書侍郎平章事兼鹽鐵使副制 元禎

門下昔蕭何用新造之漢而能調發子弟完補報亡使關東糧饋不絕者以其盡得秦之圖籍而周知其衆寡也我國家秉十一聖之區寓提億兆人之生齒而曰不能足食足兵朕甚懼焉得非調陰陽撫夷夏者不欲侵貨泉之任而主會計較虛盈者不得參邦國之重乎予今集作將兼之

允在能者諸道鹽鐵轉運等使太中大夫守刑部尚書騎都尉太原縣開國男賜紫金魚袋王播在德宗時以封詔

入仕踐履詔令臺閣由御史中丞京兆尹掌縣官鹽鐵為

春曹集作尚書乃長色髦詔令以控蠻蜩盡稱厥職達于

予聞詔令詔徵還便殿與語得所未得聞所未聞詔令

吾未昭然發蒙幾至前席重委操剡鉞刃益精國有羨財

而人不加賦東師在野物力蕭然不有主張孰能戡濟是

用命爾作相仍以舊務因之爾為詔令西備戎羗東

定燕冀內實九府外豐萬人百度群倫罔不在爾於戲典

謨訓誥行之具存邪正是非知之孔易予唯以不敏不明

集有故用爾集為股肱耳目又安能以詔令無一二戒

誨垂之空言爾其自勵于爾心無令觀聽者論爾於鄉校

可守中書侍郎同中書門下平章事依前允諸道鹽鐵轉

運等使散官勳封賜如故長慶元年十月

授張弘靖門下侍郎平章事制 白居易

門下夫佐佑天子燮理陰陽平章法度登進賢哲外撫夷

狄內安元元使百官各修其職一物不失其所此宰相之

任也朕思得良弼訓致此道咨命予汝其殆庶乎具官張

弘靖惟乃祖乃父代居相位咸有成績于旂常爾其忠正

恭肅文以禮樂日濟其美振揚家聲一時之人謂之才子

亟登清貫益著令聞洎出刺陝部移鎮蒲坂政不苛細甚

得人心寮吏將卒皆樂為用清簡之化聞於京師由是鄭

風緇衣之好漢廷玄成之美朝望時議翕然與之人謀既

同朕志亦定乃用登爾以集作左輔授爾以大政尚克欽

乃嘉命業乃代官竭其股肱服我前訓嗚呼三代為相和
家之光爾其敬集作念哉無替乃前人之徽烈

授李絳平章事制

前人

門下昔在堯舜聰明文思尚賴良臣實以相濟况朕薄德
不逮先王是用急疾於求賢置之於左右俾承弼納誨以
匡不逮言或集作雖逆耳必求諸道事苟利人咸可其奏茲
足以宣股肱之力成天下之務歷選多士爰得良輔乃降
厥命其聽之哉具官李絳齊莊嚴重內明外直進退舉措
有大臣體自參內職每備顧問忠讜之操終始集作然不渝
及貳地官專領財賦未逾周月亦有成績歷試多可人望
被歸俾登中樞無易絳者於戲爾以文學入仕以正直

才膺大用職亦屢遷十年之間位至丞相何以報國在
乎匪躬欽哉懋哉無忝朕命

授常貫之中書侍郎平章事制 前人

門下周宣漢宣繼世之主一得申甫一得魏邴咸克致理
號為中興朕嗣位以來未鑒前烈惟是賢俊寤寐求思歷
選周行乃獲時彥宜以政柄舉而授之具官常貫之溫重
明正國之公器當官必守臨事能斷簡在朕志迨今累年
乃者擢居諫司以觀其直出領符竹以觀其理煩之以劇
務以觀其用訪之以大政以觀其體歷試必中而衆望允
屬倚之為相僉曰宜哉可守中書侍郎同中書門下平章
事夫臣事君則集作以忠后從諫則聖靡不有始鮮克有終

理化不成恒由於此今我與爾未終是圖雖休不集作休
以臻其極嗚呼二宣之業善有望焉

授武元衡門下侍郎平章事制 前人

門下朕嗣守丕業行將十年實賴一二輔臣與之共理故
外鎮方域則仗以為將有絳侯厚重之資有丙吉寬大之
風自登台司克諧集作人望頃屬巴蜀軍後人殘權委節
旄俾往鎮撫信及夷獠集作思加疲瘵每因利以施物集
惠不易俗而脩教政無苟簡人用便安惠茲一方時乃之
績報政已久屬望益深宜歸左輔以參大政夫坦然公道
可以叙眾才曠然虛懷可以應群物集作弼違救失不以
尤悔為慮進善集作惡不以親讎自嫌用此輔君足為

事 宰相欽率是道往復乃官可守門下侍郎同中書門下手章

授段文昌中書侍郎平章事制 杜元穎

門下眷求輔詔令弼期在濟時必惟才臣乃克成務况端

潔剛毅可以肅具察敏裕周通可以熙庶績外無飾虛之

體詔令中有效實之誠簡于朕心乃命以位朝散大夫守

中書令翰林學士武騎尉揚賜紫金魚袋段文昌門襲忠

勲器包才傑廣而不雜峻而能溫脩詞每掇其菁英詐令

所尚者風格發言必探於指要所貴者變通識古今理亂

之源知遐邇利病之本自掌文翰苑列籍金門出入五年

恭勤一致屬朕初承寶命屢進嘉猷諒我憂惕之懷竭其

公忠之力詔令昨因召見更用詔令咨詢造膝之言注意

斯得必能奉將明之大任申獻替於虛襟爰升昇鉉之司

冀展舟楫之用於戲萬物之始九有所瞻將致治平可不

兢勵爾其夙夜惟慮輔道朕躬使四夷咸賓百度惟乂詔令

作卑俗必蘇其疲瘵審官無鬱其賢能理當詳於機深道

當固於乂大惟自誠可以化物推克已可以律人勉哉戒

哉無忝我首命之重可守中書侍郎同中書門下平章事

元和十五年閏正月

受李鄴門下侍郎平章事制

蔣防

門下凝詔令成庶政必屬於長材經制四方是資於碩望

况叅酌理本變和化源苟非傑賢孰允斯任爰立舊德將

具贍淮南節度副大使知節度事管内度支營田觀察

處置等使銀青光祿大夫檢校尚書左僕射兼揚州大都

督府長史御史大夫上柱國江夏縣開國侯食邑一千戶

李鄴性惟直方器本弘固冲敏足以成務通明可以質疑

懷匡主之忠規蘊經邦之遠略歷居雄鎮累服大寮基閣

藩方動留成式資為重望綽有餘材必能翼宣鴻猷導迎

嘉祉是用徵拜陟于黃樞竭爾訐謨司我號令法期畫一

俗俾康寧寅亮庶工屬在良弼詔令可守門下侍郎同中

書門下平章事散官勲賜如故元和十二年十月

授蕭俛門下侍郎平章制

類制

門下天生蒸民樹之司牧非輔弼不能宣其教化非忠賢

無以廣其謀猷其履道居真開物成務才能彰於人望績
方著於國均是宜表式周行歷踐樞禁朝議大夫守中書
侍郎平章事蕭俛器懷沉正風度夷達識蘊通人之量文
為君子之儒守道易知臨事難奪內庭推謹密之效司憲
弘端肅之規所以仗其公忠寄之啓沃嘉乃匡益副予簡
求思序德以任賢冀資忠而致理俾光明渥再踐台階無
替前勞往服休命於戲秉一心者時惟良弼宰萬物者是
資化源后德惟臣予既虚心而納誨國家在相爾宜勵節
以致誠無媿知人式佇明效可門下侍郎平章事

授崔鉉魏扶拜相制

沈詢

門下潤色王業允俟於良臣丹青帝圖必資於宰匠朕嗣

膺大寶思闡鴻猷永惟化源實屬髦傑斯所以三字詔令作所期

調六氣以遂物揔萬機而富人夢帝賚予爰立作相正議

大夫守御史大夫崔鉉山河秀氣經緯長才金聲含正始

之和玉立在風塵之表正議大夫行尚書兵部侍郎判部

事魏扶天與全德性惟中庸有致遠之宏謀負佐王之盛

業並操身特立抱器挺生高標旁映於群倫明識動符於

大雅早登華顯備閑休嘉穆然清明鬱有素望居易求已

秉仁立誠每懷憂國之心益竭徇公之志或早以精慮升

於鼎司深陳造膝之言密勵匪躬之節或嘗以敏用服于

大寮智有洞於機權才復深詔令作推於練達爰委綱憲仗名

節而立朝亦揔地卿嘗會計而經國紀綱式叙征稅益饒

陟其休庸付以大柄朕欲宣明號令弘濟生靈致寰海之
乂安復河隍之土宇爾從容奏議朝夕揣摩副華夏之具
瞻展舟航之大用輔教化本乎無隱辨雅正在於至公俾
踐中台同叅庶務敬服明訓式揚茂勳鉉可中書侍郎同
中書門下平章事扶可守本官同中書門下平章事
大中三年
月四

崔龜從拜相制

崔璵

門下丹青神化寅亮天工將寄陶鈞必歸才望故漢中大
業魏邴克贊其謨謀開元盛時姚宋同匡其治理嘗覽前
代緬懷斯人寤寐以求夢卜一作冀終叶適當舉衆不讓知
賢戶部尚書判度支崔龜從道峻嵩華志凌煙霄氣包元

精識邁前哲巖廊符瑞禮樂英華弘通多鑒物之明堅直

詔令

抱佐時之術而學窮源委詞涌濤波吐論素勵於公

忠理躬不踰於信厚烈火方熾珪璋更寒飛霜已嚴竹柏

猶翠自出入劇職徊翔清途經歷五年恭勤一貫粉署潔

賜衣之操掖垣高白鳳之文澄清宣威節制持重既位延

舊德再掌地圖任切良材柄專國用問閭不困帑藏有餘

邦賦程均節之能軍食表供湏之效我有好爵本邀茂勳

况乎國楨宜在一作人傑是用命汝同心弼予并于鼎司

執此政柄吉甫德全於文武彥回望著於台衡既諧具瞻

寔允元輔詔令酌古訓以恢令猷帖人部喉舌之雄免計

曹經費之務期爾鎮撫式彰顯崇於戲惟木從繩載懷藥

石之誠惟風偃草冀流霖雨之功與其順美以昭忠不若
盡規而輔德與其嚴刑而就理不若齊禮以安人佇聞嘉
言共底交泰無令伊傳獨美典墳可戶部尚書同中書門

下平章事

大中四年六月

魏謨拜相制

沈詢

門下天不能獨運任寒暑而成歲功君所以稱尊伏股肱
而熙帝載高拱巖廊之上率成天地之宜故風后登庸軒
圖以穆文終佐理漢業遂昌何莫由斯夫豈相遠爰感風
雲之會果符夢卜之求屬在休期俾升良弼戶部侍郎判
戶部事魏謨膺賢運之間氣負王佐之宏材山岳孤高珪
璋特達道德忠信資以脩身文章政事乃其餘力自騰芳

苑振跡諫垣文宗知臣深加寵遇檢校甚峻守道不回
未至達官蔚爲國器星霜屢變流落幾途秀木摧風燎原
見玉汲黯心存乎廟廊望之志在於本朝朕獲奉寶圖勵
精理本盡伸人隱思變時雍佇聞宣室之言是有夕靡之
拜備其風望委以憲綱正色立朝不仁自遠貳于卿秩掌
我地征吏不敢欺身無伐善彌見精強之用頗聞流衍之
能朕常咨以謨謀觀其識略動中理會慮必輸忠切劘每
賴其沃心慨慷不忘於造膝是宜樹爲名表載之休聲俾
增耀詔令作輝於三台庶詔令作允僉諧於四岳於戲鹽梅之調元
鼎舟楫之濟巨川詔令作調鹽梅之元鼎濟舟楫之巨川上維四方之安危
下繫群生之舒慘居是任者不其重歟夫激濁揚清衆自

聳善著誠去僞人斯歸厚爾其開張教化之具導迎陰陽
之和使萬物各遂其宜百官得任其體昔爾先祖爲唐輔
臣人鏡之名阿衡比德爾尚纂承義訓克嗣清風勉思貽
厥之謀以闡將明之業勿畏嫌而避事無執謙以自疑求
孚于休用觀乃績可守本官同中書門下平章事依前判
戶部事

大中五年
十一月戊辰

授裴休中書門下平章事依前判鹽鐵制 前人

門下我國家之稱至理其惟貞觀開元乎雖盛德成於祖
宗而致君存乎輔弼委是不構付予冲人實咨獻臣共荷
洪業俾登王鉉用振金聲正議大夫守禮部尚書充諸道
鹽鐵轉運等使裴休明堂棟梁清廟瑚璉道崇五美學綜

九流持去邪與善之心蘊尊主濟時之術早昇甲乙首冠
賢良諫垣馳讜正之名史氏動直言之筆羽儀著定律呂
縉紳仙闈道播於彌綸右掖詞推於潤色三臨藩郡皆垂
良史之能四貳卿曹益見大臣之體洎乎司泉貨之重筦
山澤之財用適變通法均寬猛大計如富疆之業常規多
饒羨之功人無告勞刃有餘地是可以載光衮職爰陟台
堦式贊雍熙宜膺夢卜爾其允釐庶績俾詔令起訃謨涉
大川而示吾津涯馭六馬而遺吾街策俾臻皇極克嗣前
脩於戲人代天工予違汝弼悉乃心力作吾股肱無使阿
衡專美於殷家山甫獨稱於周室勉弘懿德勿忝虛懷可
守本官同中書門下平章事依前充諸道鹽鐵轉運等使

授王搏中書侍郎同中書門下平章事判戶部制

吳融

門下朕聞王茂弘官在治中已恭佐命謝安石身為相椽
常切憂時後果俱秉國鈞克諧人望忠誠懿烈焜燿冊書
孰謂我朝鐘茲丕運厥有佳士龍興壯圖植勁草於裏腸
繫苞桑於宗社特立當代何慙古人將表至公爰申異渥
且官王搏霜高一鶚王拔孤峯孕和煦於情田自華而實
道縱橫於義路無一作何往不通蘊是淑聲居然上品繫駒
場裏早颯清塵振鷺行中難究逸翰踐揚三署橫絕一時
實名教之丹青乃縉紳之領袖昨者朕失遵王度致降天
災釁起蕭牆幽加游棘而賴能謀於上相說彼中權反正

乘興肅清輦轂疇其忠節雖已擢於禁林惜此奇才難久
留於誥命豈在凝神軒夢問兆周畋用之不疑命以爰立
既調金鉉仍總版圖必務豐財以資經費於戲爾前未達
則能有奮於時此後所行不宜苟安於位獻可替否滅私
徇公慎保初心勿孤大任

授陸扆平章事制

楊鉅

門下昔在太宗時則有房杜持國鈞在玄宗時則有姚宋
司政柄降于列聖代濟名臣宜搜間代之賢冀適濟時之
用其有懷詔令作材已試亮節孔彰俾膺霖雨之求期正彝
倫之叙式舉茂典吾無所私翰林學士承旨銀青光祿大
夫守尚書左丞知制誥上柱國嘉興縣開國男食邑三百

戶陸宸簡節正音溫光瑞王咸濩抱降神之韻珪璋挺華
國之容包倚相之典墳紹平原之詞藻爰自高才赴召冊
地代言絲綸必本於典謨獻納已觀其事業仍歲扈和鑿
之符六年專詔誥之勤謹正自持閔望彌峻况爾伯祖贊
昔以才行嘗居禁林當德宗避狄之時詔令實乃祖納忠
作言之日積其偉節升于鼎司書命諫章流在人口是用
選自密勿陟之台衡昭于前光期於休命詔令作期
以後効職我
人柄貳茲地官既表殊恩且明丕訓於戲姦宄詔令尚熾
千革未平生靈流離宗稷榛莽爾其舉墜典正類綱進賢
良遠姦慝勿依違而避事無拱默以叨恩詔令庶乎艱難有
望康濟往踐乃位敬而戒之可尚書戶部侍郎同中書門

下平章事餘如故

三年七月

授孫渥平章事制

詔令作孫渥判戶部制

門下在天成象拱帝座者三台在地稱崇鎮方輿者五嶽
我有賢輔立于詔令大朝協三台照耀之功契五岳匡扶

之力既凝庶績宜峻徽章正議大夫守中書侍郎同中書

門下平章事上柱國賜紫金魚袋某壁立孤峯渭清一派

早以閨門之行聞於鄉黨之間

詔令作鄉里

張融高文聚為玉

海孫綽麗賦擲作金聲頗喧驚座之詞華遂整冲天之羽

翼鵬張上國顏淵首冠於諸科弓招小山穆生道優於置

醴厥後簪御史筆講博士書從容累踐於南宮諫諍俄升

於左闥蘭香見忌王冷多猜比騷人湘浦之行繼賈誼長

沙之役朕自知直道召歸掖垣每於敷陳必盡肺腑因朱雲折檻之對識張華王佐之才斷自中宸爰立作相彌縫不倦匡益居先操心願革於澆浮進善必先於行實搜抉沉滯拔用隱淪致我時風自爾而厚張說當玄宗之代初啓集賢竇叅居德宗之朝別分戶部一則寵九流之墳籍一則萃四海之賦輿式仗英規遂茲兼領高建楚子之爵貴升鄭衆之階勉殄寇讎以復廟社可銀青光祿大夫依前中書侍郎同中書門下平章事集賢殿大學士兼判戶部事仍封樂安縣開國子食邑五百戶

授朱朴平章事制

韓儀

閔下夢傳巖而得真相殷道中興獵渭濱而載獻臣周朝

致理是知顯諸仁而藏諸用君子但守其沉機懷其實而迷其邦大器曷虛其一作於顯位朕自逢多難渴佇英賢暗

禱鬼神明祈日月果得哲輔契于勤求詔令作契予朝散大夫

守國子毛詩博士柱國賜紫金魚袋朱朴學業優深識用

精敏夕徊翔而不振彌貞吉以自多朕知其才遂召與語

理亂立分於言下聞所未聞兵農皆在於穀中得所未得

不覺前席爲之改容須委化權用昌衰運是乃振於庠序

陟於鈞衡自我拔竒寧拘品秩於戲時風甚薄國步方艱

兵戈未息於近郊經制日隳於故事宮闕焚蕩邑里凋虛

外則未殄元兇內則未凝庶績整我綱紀成我雍熙百度

群倫俟爾康濟勉思敬戒以服寵光詔令作章可朝議大夫同

中書門下平章事上柱國賜紫金魚袋乾寧三年八月

授王搏平章事制

門下朕聞軒轅得力牧而為五帝先夏禹任臯陶而為三
王祖雖不言而化自契於玄功而端拱仰成實資於哲輔
况有嘗持大柄久竭訐謨振寅亮於巖廊立惠迪之軌躅
俾乃舊貫再委平衡斷自朕懷用符僉屬扶危匡國致理
功臣新授武勝軍節度浙江東道管内觀察處置兼宣撫
等使金紫光祿大夫檢校尚書右僕射同中書門下平章
事使持節越州諸軍事越州刺史上柱國

開國公

食邑二千戶王搏道潔秋霜文含夏采詔令作 春彩動不踰矩

立必正方行中孚絕類之貞保大有匪彭之節訥於言而

敏於行深恥名浮竭其力而致其身唯將道勝頃歲朕察

其才智可委鈞衡拔自貳卿升之四輔果能推誠憂國整

慮匡時啓沃心之嘉猷進苦口之良藥洎沂岐叛換京國

戒嚴罔懼觸鱗屢陳逆耳且搏以明君待我故每敢極言

我以忠臣任搏亦常加獎納深知盡瘁永用寘懷自鑿輅

省方難詔令 作艱危扈蹕澄心無撓臨事應機為時而生信非

虛言昨以初清鏡水新蕩稽山慎擇周才以康疲俗是乃

詔令 作用輟於台鼎俾踐壇念卿前後奏陳有犯無隱吾雖不

敏深諒至忠靜復卿言皆合朕志讜正之事久而彌芳雖

淝左詔令 作右之瘡夷誠思惠養顧岐陽之祆逆尤籍機籌且

歸班瑞之符却秉代天之筆爾其內凝庶績外殄元兇勉

精醫國之謀報我知臣之德天官重位光祿崇階兼以命
之用旌寵數服茲休命可不慎歟可光祿大夫守吏部尚
書同中書門下平章事功臣勳封並如故

乾寧三年正月

文苑英華卷第四百五十

有司因之証報我知臣之德天官重位光祿崇祿以命
之用惟寵數康寧休命可不快歎可光祿大夫守吏部尚
書同中書門下平章事功臣勳封並如故

乾寧三
年正月

文苑英華卷第四百五十一

